

www.BibleForChildren.org

मत्ती 26



यीसु फसह को
तिहार लक छह दिवस
पुढा बैतनिय्याह नगर मा
आयो, जिता लाजर होतो।
जेनला यीसु ना मरो मा लक
जित्तो करी होतिस। तबा मरियम
ना जटामाँसी को ढाई किलो सुध्द
कीमती इतर आनके यीसु को पाय पर
डाकीस, अना चुन्दी लक ओको पाय ला मलन
लगीस अना इतर की महक लक सारो घर महकन लगयो।




तब यूसुस इस्करियोति जो बारा मा लक एक होतो, मुखिया याजक
गीनको जवर गयो की यीसु ला उनको हात धराय दे। वय यो आयक
के खुस भईन अना ओला रुपये देवन को
परन करीन, अना उ मौका तलासन
लगयो की ओला कोनी
तरीका लक धरवाहु।



तबा चेला गीन ना यीसु को, हुकूम मानिन
अना बलिदान को तिहार लाय तैय्यारी
करीन। जब वय जेवन करत होतीन, तबा यीसु
ना भाकर लेईस। अना धन्य वाद माँग के ना
तोड़के, चेला गीन ला देवन लगयो। अना कहीस,
“या मोरो तन से।” मंग बटका ला लेइस, अना
परमेस्वर ला धनवाद देइस। अना चेला गिनला
कहीस, “तुमी सब येला पी लेवा।” “यो मोरो रक्त
से, जोन परमेस्वर को करार ला
स्थापित करासेत।
अना मोरो रक्त लगत
लोकगिन को पापहुन
को छिमा को लाय
बोहायो गयो सेत।”



“पतरस ओ समौन चोव सैतान ना तुम्ही लोग गीनला मांग लियो से का
गँहु जसो तुम्ही ला फटके। पर मी तोरो लाय पिराथना करूसेव का
तोरो भरोसा, ना चलो जाय, अना जबा, तु वापस आवजोस, ता
आपरो संगी भाऊ गीनला थामजोसा।” पतरस ना बोला कहीस, “का
पिरभू!मी तोरो संग मा जेल जान लाय अखीन मरन लाय राजी सेवा।”
पर यीसु न कव्हयो, “पतरस मी तोरो लक कव्हसू का आज कुकड़ा को
चिल्वनो को पूढा, तू मोला
तीन बार नकारजोसा।”



मंग यीसु उनको संग वोना जघा मा
गयो जोन गतसमनी कहलावा सेता।
अना आपरो चेला गीनला कव्हन
लगयो, “इतानि बस जावो,
जबा तकन मि उता जायके ना
पिराथना करासू।” अना कहीस,
“ओ परमेस्वर बाबूजी, तोरो लक
सब काही होय सकासे, येने दुख को
कटोरा ला मोरो जवर लक हटाय ले,
ता भी जसो मि चाव्हसु वसो नोको
पर जोन तु चाव्हासेस, वाच होया।”




तबा यूदूस, सिपाही गीनको दल ला लेयके अना मुखिया याजक अना मोसे को नियम को गुरु कन लक सिपाही ला लेयके, दियो, टेमा अना हतियार धरके उता आयो। अखीन उनमा लक एक ना तरवार कहाडके ना मुखिया पुजारी को, दास को जेवनो कान उडाय देइस। तबा यीसु न कव्हयो “बंद करो यो खून खराबा”, अखीन वोको कान ला, वोको जगहा मा धरके ना, साजरो कर दियो।



मंग वोला धरकेना, मुखिया याजक को घर मा पहुँचा देइना। पतरस
काही दूरी बनाय के, ना यीसु को मघा-मघा जावन लग्यो। अखीन
आँगन मा अघेटा पेटायो होतीन,
वहाँच पतरस उनको
बीच मा जायके बस गयो।




मोठो मुखिया याजक को
दास गीनमा लक एक जोन ओको
खानदान लक होतो, जेनको कान
पतरस ना कापयो होतिस, ओना
कहीस, “का मीना तोला ओको सँग
बारी मा नही चोवयो?” पतरस ना मंग
मना कर देइस, अना कुकडा ना एकदम लक
चिल्लाय देइस।अना उ बाहेरे हिटके ना
बिलख-बिलख के रोवन लग्यो।



तबा सबा पंचायत उभो भय गइन, अखीन
पिलातुस न्यायी को कठा ला गइन। तबा
पिलातुस न्यायी ना पूसयो “का यो बात खरो
सेत? का तू यहूदी लोकी को राजा आस?”
तबा यीसु ना कव्हयो,
“तू खुदच सांगासे।”
पर राजा पिलातुस ना यीसु
ला, सोड़न को मनसा लक,
जनता ला अखीन समजायो।




तबा उनना यीसु ला उनको हात सौप देइस, ताकि
उ कूरूस मा चघाव जाहे। तबा वय यीसु ला ले
गईन, अना उ आपरो कूरूस उठायके उ जघा
तकन बाहेर गयो, जो कवटी को जघा कहलावासे
अना इबरानी मा गुलगुता।



उता उनना ओला अना ओको सँगा अखीन दोन
मानूस ला कूरूस पर चघाईन, एक को इता अना
एक ला उता, अना बीच मा यीसु ला।



दिनो उजयारी चले गयो अना मंदिर को पड़दा बीच लक फटके दोन टुकड़ा भय गयो। यीसु ना ऊचो लक चिल्लायो “हे दाअजी जी मी आपरो आतमा ला तोरो हात मा सोपसू” अखीन वोको जान हिट गयो।



अरिमितिया को रव्हनवालो यूसुफ आयो, जो
मोठीसभा को मेम्बर हो तो अना खुदच
परमेस्वर को राज की रास्ता चोवत
होतो। उ हिम्मत करके पीलातुस
जवर गयो अना यीसु को
लास ला माँगिस।

तबा ओना मलमल को
एक कपरा खरिद लेइस,
अना लास ला उतारके ओला
चादर मा लपटिस, अना एक
मरघटी मा जो चट्टान मा
खोदी गई होती राखिस।
अना मरघटी मा धसन को
जघा पर एक गोटा
अड़ा देइस।



दुसरो दिवस मजे सूकिरवार को, मंघा पवीतर
दिवस मा मुखिया पुजारी मोठयो
पुरोहित अना, फरिसी गुरु गीन
एक संग, पिलातुस को घरमा
गइना अना बोलिन की
“अमीला हेत से पिरभु, क उ
धोकाबाज न आपरो,
जिंदगी मा असो सांग्यो
होतो, का मी तीन
दिवस मघा

जित्तो
भई जाहू।”



वय चले गइल, अना उनना कबर को,
दरवाजा मा राख्यो गोटा मा
मूहर लगा देइल।



सब्त को मघा जबा इतवार हफ्ता को सक्कारी
बेरा लाल बादल मा, मरियम मगदलीनी
अना दूसरो बाया मरियम कबर ला
जाँचन आइन। काहेका सरग लक
पिरभु को सरग दुत वहान
उतरियो होतो। एको लाई
वोनोच बेरा एक मोठयो
भुई डोल आयो। अना
सरग दुत वहान आयके
एक गोटा

ला लुढकाय देइस अना
वोको पर बसगयो वोको
रूप बादर की उजाड़ जसो
चमचमात होती।



वय सिपाई जोन कबर पर
पहरा देत होतीन। डर को
मारे कापन लगीन, अना
मरो जसो भयी गयिन।



सरगदूत ना आई-माई लक कहीस। “नोको
डराव, मी जानासू, तुम्ही यीसु ला हुंढ
रही सेव। जोनला कूरूस मा चघा
यो गयो होतो। उ यहान नहात,
उ जित्तो भई गई से। जसो,
वोना साग्यो होतो। आव,
अना चोवो, जहान यीसु
ला ठेवो गयो होतो।”



आईमाई गीन गदने मरघट्टी को जवर लक, डराय के
चले गइना। अना अचंभा अना खुसी लक, चेला
गीन ला यो खबर आयकवान लाय
लवकर-लवकर धाइन। यीसु एकाएक रस्ता
मा, आई-माई गीन लक भेटयो अना
“सूकी रव्हो” असो कहीस। तबा वय
यीसु को कठा गईन, अना पाय पड़के
वोको स्तुती करीन।



मंघा यीसु उन अकरा चेलागीन ला भी, जबा वय जेवन करन बसी होतीन, चोयो, अना उनको अबिस्वास अना गोटा जसो मन को कारन उनला डाटिस। काहेकि जोन्हासीन ओको जित्तो उचलनो को मंघा ओला चोयो होतीन, ओन्हासीन ओको पर भरोसा नही करीन। एको मंघा पिरभु यीसु चेलागीन लक गोस्टी करन को मंघा, सरग मा उचल लियो गयो, अना परमेस्वर को उज्जो कन बस गयो।



काहेका परमेस्वर ना संसार लक एतरो माया
राखियो, का वोना आपरो चहतो एकच टूरा
ला दे देइसा। एकोलाय जोन कोनी वोको पर
भरोसा राखेत, उ नास नही होहेत पर
अमर जीवन पाहेत।



रोमियो 3:23 हरेक मानूस ना पाप करयो सेत। अना परमेस्वर कन लक दियो तेज बचाव लक लगत दुहर सेत।

रोमियो 6:23 काहेका पाप को बनी तो मरनो से, पर परमेस्वर को बरदान आमरो पिरभू यीसु मसीह मा अमर जीवन सेत।

इब्रानियो 9:27 जसो मानूस को लाय एक बार मरनो, अना एको मघा उनको नियाव होवनो लेखा सेत।

इफिसियो 2:8,9 परमेस्वर को दया कन लक आपरो भरोसा को काजी तुमरो सूटकारा भयीसे। योयो तुमला तुमरी कन लक नही मिलीसे, पर यो ता परमेस्वर को दियो हुयो दान से। अखिन नाता करम लक असो ना होय का कोनी गरब करयेत।



रोमियो 10:9,10 यदि तुमी असो स्विकार करा सेव, का यीसु च पिरभू सेत। अना बिस्वास करो का परमेस्वर ना वोला मरयो हुयो लक जित्तो करयो सेत, तो तुम्हि बच जाहो। काहे का मन मा भरोसा राखन लक मानूस नेक बन जासे अखिन परमेस्वर लक सही संबंध भई जासे। अना स्वीकारनो लक हमीला बचायो जावा सेत। मजे आमरो सूटकारा होवा सेत।

योहन 3:16,17 काहेका परमेस्वर ना संसार लक एतरो माया राखियो, का वोना आपरो चहतो एकच टूरा ला दे देइस। एकोलाय जोन कोनी वोको पर भरोसा राखेत, उ नास नही होहेत पर अमर जीवन पाहेत। परमेस्वर ना आपरो टूरा ला दन्द देवन ला नही, पर संसार ला सूटकारा देवन लाय धाड़ीसेस।

1 योहन 5:11-13 अना ओकी गवाही यो से का परमेस्वर ना आमला अमर जिंदगी देईसेस, यो जिंदगी ओको टूरा कन लक मिलयो से। जोको जवर टूरा से, ओको जवर जिंदगी से, अना जेनको जवर परमेस्वर को टूरा नहाती, ओको जवर जिंदगी भी नहाति। परमेस्वर को टूरा मा भरोसा राखन वालो, तुमला यो गोस्टी मी एकोलाय लिख रही सेऊ जेनको लक तुमी यो जान लेव का अमर जिंदगी तुमरो जवर से।



मत्ती 26-28; लूका 22-24; योहान 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Powari Bible (pwr) © The Word for the World International
and Powari Madhya Pradesh, 2025.

<https://www.bible.com/bible/3714/MAT.1.PSP25>

©2026 Bible for Children, Inc.

www.M1914.org

www.bibleforchildren.org

